



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

99 Episcopus hospitalia, & pia loca suae dioecesis visitare potest. Oratio  
ut à Deo exaudiatur, quae requiratur.

**urn:nbn:de:hbz:466:1-10316**

versis religiosis, & regularibus clericis  
 cujuscunque status, vel conditionis exi-  
 stant, in virtute sanctæ obedientiæ, ac  
 sub interminatione maledictionis æter-  
 næ, districtè est prohibitum, ne aliquos  
 ad vovendum, jurandum, vel fide inter-  
 posita, seu aliàs promittendum inducant,  
 ut apud eorum ecclesias sepulturam eli-  
 gant, vel jam electam ulterius non im-  
 mutant, quòd, si secus factum fuerit,  
 irritum existit, & inane, ita quòd, qua-  
 cumque contradictione cessante, omninò  
 apud illas ecclesias, apud quas sepeliendi  
 de jure fuissent, si aliàs sepultura ele-  
 cta forsitan decessissent, sunt sepeliendi,  
 secus facientes, & prædictos in suis ec-  
 clesijs, vel cœmeterijs sepelire præsu-  
 mentes, ad restitutionem, tam sepulcro-  
 rum corporum, si petatur, quàm etiam  
 omnium, quæ occasione sepulturæ illo-  
 rum prævenierint, quomodolibet ad eof-  
 dem infra decennium integraliter facien-  
 da sunt obligati, quamvis fecerint ec-  
 clesiæ ipsæ, apud quas sepulti fuerint, &  
 cœmeteria earundem ex tunc ipso, &  
 tandiu manent ecclesiastico suppositæ in-  
 terdicto, donec ab eis tacta fuerit resti-  
 tutio plenaria omnium prædictorum, ut  
 statuit Bonif. VIII. ut in c. 1. de sepult. in 6.  
 24. Mulier etiam nupta, † liberè potest li-  
 bi eligere sepulturam, ut in cap. de uxore  
 & c. de sepult. & pater filijs impuberi-  
 bus eam eligere potest, si consuetudo lo-  
 ci id habeat, ut ead. cap. de uxore, §, u-  
 trum autem & c. licet pater, eod. titul. in 6,  
 alias in sepulcro suorum majorum, aut in  
 parochiali sunt sepeliendi, non enim sunt  
 transgrediendi termini antiqui, quos po-  
 fuerunt patres nostri, Prover. cap. 22,  
 28. terminos enim † antiquos transgredere, qui

parochianum alterius ad sepulturam ad-  
 mittit, capit. 1. in fin. junct. gloss. fin. ext.  
 de sepult.

96. Episcopo, † licet subsint omnia ora-  
 toria, & loca religiosa, & omnes eccle-  
 siæ suæ diocesis, ut post Oldr. cons. 274, al-  
 legatum à Card. Tusc. pract. concl. tom. 3,  
 concl. 245, tamen excipiuntur ab ejus vi-  
 sitatione confraternitates, collegia, &  
 alia loca, quæ sub Regum immediata  
 protectione sunt, quæ sine earundem  
 Regum licentia ab Ordinarijs visitari non  
 possunt, ut in eod. cap. 8, de refor. sess. 22.  
 97. Sed pluries dubitari contigit, † quænam  
 loca sub dicta immediata protectione esse  
 dicantur, ad quod dicimus ea esse, quæ  
 ita à primava earum erectione sunt fun-  
 data, & erecta, atque eo speciali privile-  
 gio munita, ut scilicet, locorum Ordina-  
 riarum in illis jurisdictionem exercere non  
 possint. Non autem omnia hospitalia,  
 quæ sunt in ditionibus Regum, & ita de-  
 claravit congregatio concil. Trid. super  
 eod. cap. 8, in decis. que incipit, an in excep-  
 98. tione. Quinimò † possunt Episcopi visita-  
 re omnia hospitalia, & pia loca quovis  
 modo nuncupentur, etiam si sint privata  
 laicorum, eaque corrigere & reformare  
 in casibus à jure concessis, nempe ob ne-  
 gligentiam, vel dilapidationem bono-  
 rum, utque testatoris voluntas servetur,  
 ut per eandem congreg. fuit decisum su-  
 per eod. cap. 8, in decis. incip. Episcopus, pos-  
 se pro qua decis. fuit Abb. in cap. officij,  
 num. 7, de testament. in cap. ad hac de relig.  
 dom. & Paris. in cons. 34, num. 38, vol. 4.  
 99. Hospitalium enim † Episcopus est  
 præcipuè cura commissus, quæ, si ad cer-  
 tum peregrinorum, aut infirmorum, vel  
 aliarum personarum genus suscipien-  
 dum



dum fuerint instituta, nec in loco, ubi sunt dicta hospitalia similes personæ, aut per pauci reperiantur fructus illorum, in alium pium usum, qui eorum institutioni proximior, ac pro loco, & tempore utilior sit, converti debent, prout Ordinario cum duobus de capitulo, qui rerum usu peritiores sint, per ipsum deligendis, magis expedire visum fuerit, nihil aliter forte in eorum fundatione, aut institutione fuerit expressum quo casu, quod ordinatum fuerit, curare debet Episcopus, ut observetur, aut si id non possit, ipse, prout supra viriliter providere tenetur, Concil. Trident. ind. cap. 8, de refor. sess. 25. & clem. quia contingit, de relig. dom. qua in eod. cap. & in cap. 15, de reform. sess. 7, est innovata cum derogationibus in ea contentis. Administratores autem, seu gubernatores eorumdem hospitalium ad instar tutorum & curatorum juramentum præstare, ac de locorum ipsorum bonis inventarium conficere, & Ordinarij, seu alijs, quibus subsunt loca hujusmodi, vel depurandis ab eis annis singulis de administratione sua tenentur reddere rationem d. clem. quia contingit, §, ut autem, & ibi gloss. in ver. annis, Abb. Zachar, & Alexander in cons. 1. numero 4, lib. 7.

101 Si verò dicti gubernatores commiserint negligentiam, vel defectum, locorum Ordinarij, etiam si hospitalia prædicta exemptionis privilegio munita consistant, per seipos, vel alios, præmissa adimpleri fovere tenentur, & gubernatores, seu rectores eisdem non exemptos propria, exemptos verò, & alios privilegiatos Apostolica auctoritate compellere debent. Contradictores cujuscunque

status, aut conditionis existant, ac præbentes eisdem circa præmissa consilium, auxilium, vel favorem per censuram ecclesiasticam, & alia juris remedia compescenda, ut in eadem clem. §, nos incuriam.

102 Hacque ratione, & auctoritate gubernatores, administratores, rectores, seu magistros hospitalium, & confraternitatum, sacrorum canonum, & sacrorum conc. Trident. decretorum contemptores, & transgressores, Episcopus, uti eorumdem executor, excommunicare potest clem. 1, de atar. & qualir. & Pius IV. in litteris confirmationis concilij incipientibus Benedictus Deus, § mandamus autem, de quibus in fine conc. & in Bull. Rom. cap. 96, & ad id Episcopi tenentur, cum illis mandetur in virtute sanctæ obedientiæ, & sub pœnis, de quibus in eod. §, mandamus, quod contradictores per sententias censuras, & pœnas ecclesiasticas compellant.

103 Archiconfraternitates verò, & congregationes aggregantes, aggregandi, & communicandi formam novissimè approbatam diligenter observare debent, juxta quam privilegia, & indulgentias, aliasque gratias sibi ipsis nominatim, & expressè, non autem per communicationem, neque ad instar, ut supra concessas, ipsis confraternitatibus, & congregationibus erigendis, institutis, & aggregandis, & quibus communicationes fiunt, communicare possunt, ut in §, in super volumus, & §, si non servata forma data à dicta constitutione, corrui adus, & non valet aggregatio, cap. cum dilecta, & ibi Felin. num. 6. circ. med. ver. gesta contra formam, de rescript. cap.